



Projet promovût di 'La Vòs dai Furlans' e 'ARLeF'

MAMAN

la VÒS dai FURLANS

Lu saveviso che...?



...ca di doi dîs, domenie ai 14 di Mai, e cole la Fieste de mame? Fruts, vèsu pensât a alc di speciâl par jê? Cul jutori di cualchi grant o podês prontâi alc di bon di mangiâ, par esempi pe gulizion, o pûr o podês regalâi alc fat di voaltris, tant che un biel dissen colorât, un lavorut, o cjapâ sù tal zardin cualchi rosute. E parcè no scrivii ancje un bilietut par furlan? **Auguris mame, ti vœi tant ben!**

La mame e sarà pardabon contente, soledut di passâ une zornade insiemil!

CJALÌN INSIEMI



Pe fieste de mame Tui e Tuie a judin un picinin di dinosaur a fâ un regâl ae sô, ma se a cjapin sù masse rosis...

Cjalìn insiemil la pontade di Tui e Tuie "Un grant mac di rosis" su



Cumò fâs tu!

Jude lis razutis a rivâ li de mame



Piture il dissen



Pierut i dîs ae mame: "Mame, mame, o soi stât l'unic a rispuindi a une domande de mestre".
E chê: "Pardabon? Cuale?"
E Pierut: "Cui isal che nol à fat i compits?"

Ridi a plene panze!

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman?! **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



Roc. No stâ cirî lusignis e reste cui pîs par tiere, come che tu às za fat timp indaûr.



Taur. Viôt di vè plui cure dal to cuarp. Tal lavôr tu às di sclarîti cui coleghis suntune cuistion restade ingropade.



Zimui. Il to jessi curiôs ti puarte a cognossi int gnove e tra di lôr tu cjararâs cualchidun che ti fasarâ bati il cûr.



Gjambar. I cambiaments a son alî, ma tu no tu sês pront: viôt di no pierdi masse ocasions.



Leon. Tenti plui dongje a fradis e amîs parcè che a son lôr che a podaressin dati il consei just.



Vergjine. Tal lavôr tu rivis a meti in pratiche lis tôs cognossincis e i coleghis ti ringraciaran.



Balance. In amôr tu sês rivât a un fuart ecuilibri cul partner che ti permet di vivi in ligrie.



Sgarpion. Il cjâf al svolte indaûr tal timp e ti vise di personis che no tu viodis di un pieç: e je ore di clamâlis.



Sagjitari. Al è il moment just par tirâ fûr la fuarce che ti rint unic, ancje par scomençâ l'an miôr di simpri.



Bec di mont. No stâ cjapâ decisions dal vuê al doman, tu às di vè dut il timp par sclarîti lis ideis.



Agarûl. Cul partner o vês vierte plui di cualchi cuistion, cirî di compartâti in maniere civil.



Pes. Une bugade di fuarce ti rive dal vivi di plui in famee e cul partner ancje moments di relax a cjase.